

ادبیات عمومی و تاریخی

هفته‌لق سیاسی، ادبی و علمی غزته‌در.

جلد : ۲

سنه : ۱۲ شعبان ۱۳۳۵ جمعه ایرتسی ۲ خیزران ۱۹۱۷ نوسرو ۳۱

توركلرك اصلى

توركلرك اصلى حقنده هيچ بر تاريخ كتابنده معلومات صحيحه و كافيه يوقدر .
توركلرك اصلى نه در ؟ تورك قومى ايله ديكر اقوام آراسنده نه مناسبت واردر ؟ توركلر
كنديلرينه مخصوص آريجه بر اصلدن مى نشئت ايتملردر ، يوقسه ديكر بر ويا بر قاچ اصلدن تشعب
ايله رك مه لز بر جنسه مى منسوبدرلر ؟

معلوماتدر كه آوروپاليلر كنديلرينى جنس ابيضك قسم اهمنى تشكيل ايله ين « آريهن » لردن عد
ايدرلر و اصللرينى قديم هندلilere اصال ايله رك جنسلرينه « هند و آوروپائى » نامنى دخى و يررلر .
بعضاده « قاوقاس جنسى » تعبيرينى قوللانيرلر .

آوروپاليلر توركلرى كندى جنسلرينه اصلا داخل ايتيوب چينيلرك منسوب اولدقلى جنس
اصفردن آزمه موغول و تاتار مه لز عرقنه انتساب ايتديررلر . حالبوكه بو ذهاب علم اجناس بشر
و تاريخ نقطه نظرندن عظيم بر خطا اولوب بو خطايى بر آن اول تصحيح ايتك عثمانليرايچون بر فريضة ايكن ،
مع التأسف محررلر ترك آوروپا تأليفاته قاييله رق اولرك فكرلرينه خدمت ايتكده اولدقلى كورلمكده در .
« جنس ابيضك بابالرى اولان اسكى توركلر » نامنده در دست تأليف و اكمال اولان فرانسزجه
اثر ضمه اثبات ايديله چكى اوزره ، اجداد من اولان اسكى توركلر جنس ابيضه منسوب اولقله برابر
جنس مذ كوردن معدود اقوام مختلفه نك اك قديمى و بلكه اصل ابتدائيسيدر . بو كيفيت تاريخ ،
جغرافيا و لسان ايله اثبات اولونابيلير .

(۱) تاريخ نقطه نظرندن « اوشال شجرة تركى » دن بك استفاده اولنور . كرچه بر موغولك
اثرى اولان بو كتابده موجود معلومات تواتر طرزنده سطحى ايسه ده ، تورك ، موغول و تاتار
عرقلرينه متعلق هر بر كله سى بك قيمتداردر .

عنى نقطه نظرندن « سكيتر » (Scythe) حقنده مؤرخين يونانيه دن هه رودوتك و يرديكى
معلومات ده نوك درجه اهميتى حائزدر . چونكه اسكى توركلرك بر قسمى حقنده بويله معتمد و مشهور
بر مورخك و يرديكى تفصيلات مكمله تاريخيه حقيقتك تظاهرينه بك يارديم ايدر .

سیمای روحم

هر تنزه و هر مسامره دن
یکی بر رابطه یله آریلار
رهگذارمده هر تصادف ایدن
حسن ممتازه عاشق و مشتاق ،



دائما بویله آشنای خیال ،
کیجه لر غربت آزمای فراق ،
کوندوز آواره کلال و ملال ،
هر زمان پیرو محال اولقی ،



هر کوزل یوزده ، هر حقیقتده
هپ او رؤیایی کورمک ایسته یه رک
هر تجلی بی قلب صنعتده



بر خیال بعیده قلب ایتک :
ایشته سیمای روحک ازلی
و مؤبد خطوط و اشکالی .

فائز عالی



بر هفته لق تاریخ حرب



[۲۴ - ۳۰ مایس ۱۹۱۷]

مختلف حرب جبهه لرینک حرارت فعالیتی صوک هفته ده چوق دوشدی . ذاتاً آرتق یالکز ایکی جبهه ده ، فرانسر - انگلیز جبهه سیله ایتالیان جبهه سنده اهمیتلی محاربات وار . جزال سارایک ما کدونیا تعرضی ، تخمینز کی طوردی . سارای مهم وجدی بر تعرضه دوام ایچون ائتلاف مملکتلیله مکمل مواصله یه مالک اولقی لازم ایدی . حالبوکه آرقه سی دکر اولان بو اوردو ، تحت البحرلرک مدھش تهدیدی آلتنده دره . اوندن ماعدا ، غرب جبهه سنده کی بوشلقلری بیله دولدور مقده ، اظهار عجز اتمه بورسه بیله ، بویوک مشکلات چکن ائتلاف دولتلری سارایه ایسته دیکی قدر امداد کوندره مزدی . حتی بر انگلیز غزته سنک بیانی وجهه : ائتلاف قوتلرینی چوق داغیتمشدر . بونلری نتیجه قطعیه نك استحصال ایدیله جکی غرب جبهه سنه طویلامالی ، دیگر شرق جبهه لرینی ترک ایلله مه لیدر . ایشته بواسبابه بناء ، سارای اوردوسی تعرضی سوندی ، بیتدی .

غرب محارباتنه کلنجه : واقعا دوام ایدیور . فقط نروده اوجسیم کتله لرک تعرضه سوقی ! نروده اومدید و مبذول مهمات صرفیاتی ! بوندن ایکی آی اوایکی (هیندنبورغ) خط مدافعه سی

- بعض اوقات تفك پوروزلردن قطع نظر - اساس اعتباريله موقعى محافظه ايديور، فرانسلرده، انگلزلرده پيتاب دوشملردر. يكي تعرضلر ايچون يكي واوزون حاضرقلر لازم. عادتاً شيمدى ماتلر ايچنه دوشمش اولان انگلزلر و فرانسلر تحكومتلري، غرب جبهه سنده ياپيلان ايكي تعرضك تماماً دوچار عقامت اولديغنى كتم ايله مك مقصديله، بودفعه كي ايلك بهار هجوملرنده الده ايديلن موقفياتك (صوم) تعرضنده كندن پك مهم بولنديغنى بيان ايلكده درلر.

(لوئيدجورج) ك يكي قرعه افراديني سلاح آلتنه دعوتى، (پهتهن) ك ايستر معلم وايسترسه غير معلم عسكرله اولسون، كنديسنه سريعاً معاونتده بولمى ايچون آمريقايه مراجعت ايلسى، غرب جبهه سنده ائتلاف اردولرينك نه مددش بر ضايعاته كرفتار اولدقلرينى اثبات ايلكده در. معروف آلمان عسكرى منقلرلردن بيكباشى (مورات)، صوك ييهوده هجوملردن صكره، انگلزلر-فرانسلر قوتلرينك متباقى قسمى حقنده بوكون بر حساب ياقمده در. بيكباشى مورات ديوركه: «بو كونكى ناام تشكيلاتله فرانسه (۱۱۰) فرقه يه يعنى (۸۵۰,۰۰۰) كشيلاك بر قوته مالكدرد. تقريباً (۶۰) فرقه صحنه حريدن اخراج ايدلش بولنديغندن كيرى يه (۵۰) فرقه يعنى (۳۸۵,۰۰۰) كشيلاك بر قوت قالمشدر. (سوآسون) ايله (اوبهريو) حرب جبهه سندن ماعدا ديكر اوزون بر جبهه نك دخى عسكرله طولديرلمى مقتضى بولنديغندن كورديكمز بتون بو قوتك هجومده استخدماي غير قابلدرد. كندى تخمينه نظراً بو قوتدن (۱۵) فرقه يعنى (۱۱۲,۰۰۰) كيشى تفريق ايديله بيلير.

جنرال (نيوهل) ك خط حربه سوق ايلديكى (۴۵۰,۰۰۰) كشيلاك قوتدن (۲۰۰,۰۰۰) ضايعات اخراج ايلديكى تقدردده (۲۵۰,۰۰۰) عسكرلك بر قوت قالمشدر. اشبو مقداره جبهه ده هجوم ايچون تفريق ايديله بيله جك اولان (۱۵) فرقه يعنى (۱۱۲,۰۰۰) كيشى علاوه اولندقدده فرانسلرلك تعرضه دوام ايچون هپسى هپسى (۳۶۲,۰۰۰) كشيلاك بر قوتى موجود ديمكدرد. فرانسه ده حرب ايتكده اولان انگلزلر قوتلرى (۱,۲۴۰,۰۰۰) كيشى تخمين اولنه بيلير. بو قوتدن (۲۵۰,۰۰۰) كيشينك ضايعات اولدق اخراجى لازمدر. كرى قالان (۱) مليوندن يعنى (۶۲) انگلزلر فرقه سندن (۴۵) ي (آراس) خط حربه وضع ايدلش بولنديغندن جنرال (ههغ) ك آنجق (۱۷) فرقه لق تازه احتياطي قالمشدر. (اير) جبهه سنده (۲۵۰,۰۰۰) كيشى بولمق لازم اولديغندن تعرض اردوسنك تقويه سى غير قابلدرد.

انگلزلر و فرانسلر ناظرلرينك افراد جديده جمعى ايچون فريادلرى هپ بوسبيه بناء در. «ايشته ائتلافك اك قوتلى اولدينى غرب جبهه سنده كي وشعيت عسكريه سى!

ايتاليان جبهه سنه كلنچه: ايزونزو جبهه سنده اونجى (ايزونزو) ماحمه سى دوام ايديور. آوستريا تبليغ رسميلرينك اعترافى وجهله، شيمدى يه قدر هيچ بر ايزونزو تعرضنده ايتاليانلر بو درجه شدت و قوت ايله هجوم ايتمه مشلردى. لکن بو تعرضه ايتاليانلر نه قدر حاضر لاشلر ايديسه، شبهه سز آوسترياليلرده او قدر ترتيبات تدافعيه لرني تقويه ايله مشلردى. ايشته بونك ايچوندركه ايتاليانلر، حربك ايگنجى كوني (مونته قوق) ي ضبط ايديله كدن صوكره موقيتلرينى توسيع ايدمه ديلر. حتى (اوجا) قربنده (پلاوا) ايله (تولايين) آراسنده (ايزونزو) ي كچد كدن صوكره بو موضعى موقيتدن استفاده شويلا، دورسون، يكي ضبط ايتدكلرى موضعى بيله تركه مجبور اولديلر. اليوم، آرتق يورغونلق علائيله محمول اولان ايتاليان تعرضى (ووديجه) و (مونته سانتو)

تپہ لرینہ چارمقدہ، قارست یا یلاسندہ قیر بلقدہ و دکڑہ قدر اولان ستاحده یرنده صایمقدہ در .
 بوندن بویلهده ایٹالیانلرک هیچ برشی یا عمارتی احتمالی قالمشدر . بیهودہ یرہ ، ایکی اوچ کیلو
 مترو صربی اراضی ایچون لاقل ۱۰۰ - ۱۲۰ بیک ایٹالیان قانی آقشدر . بو مقدار ایسه اونجی
 ایزونزو حربنه اشتراک ایدن ایٹالیان اردوسنک تقریباً آلتیده بریدر .

اٹلاخیلر هپ بوعدم موفقیتلرینی روس اردوسنک عطالتنه و حتی حال پریشانیسنه عطف ایدیورلر .
 فی الحقیقه روس اردوسنک نه خالده اولدیغنی آ کلامق ایچون ، باش قوماندانی (آلکسیه ف) ک ،
 بری و بحری روس ضابطانی طرفندن قرارگاه عمومیده عقد ایدیلن قونغرده ایراد ایله دیکی
 شو نطق او قومق کافیدر :

« وطنک تهاکده اولدیغنه دائر بو صوک کونلرده طنین انداز اولان ندای استمداد
 پک اساسلیدر . زیرا روس اردوسنک حرارت جنکجویانه ی ، ضابطان ایله عسکرلر آره سنده
 موجود بولونان اعتمادسزلق و اختلافات حسیله پک زیاده تناقض ایتشدر . دها دون باش قوماندانک
 او قدر مهابت آمیز اولان نفوذ و قدرتی بو کون ، شمدی یه قدر استیلا ایله دیکی اراضی ایله اکتفا
 ایتیه رک حریص النی جنوبی روسیه نیک دیگر ولایتلرینه دخی اوزاتان دهاش ، عنود و قوی
 بر دشمنک قارشیسندہ بولوندیغمز بر صرہ ده ، مدھش و مشئوم بر عجزه منقلب اولمشدر . »

باش قوماندان ، صرخصلره ، منسوب اولدقتری آلایلره عودت ایدر ایتز اردوده کی منازعاتی
 کلیاً بر طرف و ازاله و غائب اولان انتظام و اطاعت عسکریه یی یکیدن تأسیسه غیرت ایتلرینی ،
 هر درلو وسائط ممکنه ایله ضابطلر و نفرلر آره سنده صیق بر وحدت تأسیسی ایله اردوینی تکرار
 مظفریتہ یورویہ بیله جک بر مرتبه یه ایصاله چالیشمالرینی اهمیتله توصیه ایتش ، عکسی تقدیرده روسیه نیک
 سلامت و نجاتی امکانشز بولوندیغنی سویله مشدر .

حالبوکه روس اردوسنی تکرار قوتلندیرمه نیک سنه لرجه امکانشز اوله جغنی سویله مکھ حاجت یوق .
 روسیه ده شیمدی (قونغرہ) و مجلس خسته لغی وار . بر یانده سیویللر ، بر یانده نفرلر ، بر یانده
 ضابطلر متبادیاً قونغرہ لر عقد ایدیورلر . و بونلر حل و عقد امور ایدیورلر . آرتق روسیه یکپاره
 و قوتلی بر بخار سیلندیرلکندن چیقمشدر .

§ دکزلره کلنجه : تحت البحر حربی پک یویوک بر موفقیتله بردوام . فرانسنز مبعوثاننده مبعوت
 (قول) ک بیان ایتدیکی و جهله ۱۹۱۶ ایلولنه قدر آیدہ ضایعات ۳۰۰ - ۳۵۰ بیک طون راده لرندہ ایدی . حالبوکه
 او وقتدن بری ضایعات متبادیاً آرتش و ۱۹۱۷ سنه سنک ایلک درت آینده ۲،۵ میلیون طونیا تویہ
 بالغ اولمشدر . بو مقدار ایسه حربدن اولکی عموم فرانسنز دونانماسی طونیا توسندن فضله در ،
 اٹلاخیلر هیچ بر چاره سی بولونامایان بو مدھش دشمنه قارشى آمریقادن بر خفیف فیلو جلب
 ایتدکلری کبی ژاپونیا نیک ده بحر سفیده بر دونانما کوندردیکنی او کرہ نیورز . کذاک بحر محیط
 آتلاسنک قسم جنوبیسندہ ده ژاپون دونانماسی تحت البحر قوغلامقله مشغولدر . بوتون بونلره رغماً ،
 تحت البحرلرک مایس حصادینک بر میلیونی خلی کچه چکی تخمین اولونیور .

§ عثمانلی جبهہ لرندن اک زیاده سینا جبهہ سنده فعالیت کوریلدی . فقط هیچ بر طرفده بویوک
 بر محاربه وقوعه کله دی .